



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 10. Audax Toletanorum edictum

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

ptus urbibus nova tributa imperare com-
 pulsus est. Cum vero Toletanæ Civitati
 trium millium aureorum summam im-
 poneret, cives urbis suæ immunitatem
 læsam querentes, gravissimam seditio-
 nem moverunt, ex qua truculenta pluri-
 morum cædes, ac domorum direptio
 enata est; imo Rex quoque, qui malo
 ingruenti remedium laturus accurrebat,
 cedere cogebatur, cum pertinaciter mi-
 narentur, nisi Alvarum amoveret, ac ci-
 vitatibus suam immunitatem, atque pri-
 vilegia integra servaret, se folio eum de-
 turbaturos, Filiumque Henricum in ejus
 locum suffecturos. Joannes II. Henrici III.
 Filius eo tempore Hispaniæ, seu verius
 Castellæ Regnum tenebat, nonnisi vi-
 ginti duos menses natus, dum exeunte
 anno millesimo quadringentissimo sexto
 Rex proclamabatur, instante potissimum
 Patruo suo Ferdinando, postmodum Ar-
 ragonum Rege, qui consiliis eorum, qui
 hancce coronam sibi ipsi vindicandam
 suaserant, forti animo restitit.

§. X.

Audax Toletanorum Edictum.

Inter hosce tumultus Toletani rebelles
 edictum condiderunt, in quo ii, qui
 ex gente Judæorum originem ducebant,
 a quibusvis honoribus, officiisque publi-

Hist. Eccles. Tom. XXVIII. Q cis

Sæcul. XV.
 A. C. 1449.

Sæcul. XV.
A. C. 1449.

cis arcebantur, ac nominatim expressum habebatur, ne tabelliones, aut Actores caussarum essent; id enim illis Alphonfi Regis lege interdictum contendebant, eaque Toletanis datum affirmabant, ne in sua urbe, vel patria cuiquam ex hac gente orto, aut munus publicum, aut dignitas conferretur. Decanus Toletanus, ne seditionum furori sese exponeret, urbe egressus est, eoquod eorum audaciæ liberius sese opposuisset. Cum vero securum attigisset locum, id edictum temeritatis æque ac impietatis integro libro accusavit, in quo demonstrabat, nobilissimas Castellæ familias, designatis singularum nominibus, ab eadem Judæorum stirpe descendisse, imo etiam sanguine junctas esse. Nec in eo substitit; quippe Nicolao Pontifici etiam auctor fuit, ut diplomate die vigesima octava Septembris edito omnia plebisciti Toletani capita reprobaret.

§. XI.

Induciæ cum Gallis pactæ ab Anglis violatæ.

Angli inducias cum Gallis sancitas, quæ usque ad mensem Junium hujus anni extendi debuissent, duobus mensibus ante evolutum terminum primi violarunt. Quidam enim Anglicarum partium